


If undelivered
Please return to:

The Editor

Khristian Tangkou
ZPCS Office, Zomi Colony
Churachandpur - 795128
P.O. Box - 48 Manipur, India.
Ph. (03874) 233678

Khristian Tangkou

m a r c h , 2 0 0 7



Khristian Tangkou

Vol. No. 33

Issue No. 2

March, 2007

Editorial Board

Editor : Rev. Hangpi Manlun
 Joint Editor : Rev. Khamchinkhai
 Circular Manager : Jamsianmung
 Business Manager : Mr. Khamzathang
 Contributing Editors : Upa T. Gougin
 Rev. Chinzathang
 Rev. P.C. Manga
 Upa S.K. Khama

ZOU SYNOD ULIENTE- 2005-2006

* Moderator : Rev. Tualzachin
 * Moderator Elect : Rev. H. Nengzatun
 * Secretary Sr. : Upa Jamkhongam
 * Secretary Jr. : Upa Khamchinjam
 * Finance Secy. : Upa M. Kamzadou
 * Treasurer : Upa Khaihenthang
 * Statistician : Upa Hauzalam
 * Sr. Exe. Secy. : Rev. Hangpi Manlun
 * Executive Secy. : Rev. Khamchinkhai

Copies - 1000

Aman:

Kumkhat ah - Rs. 40/-
 Post ah - Rs. 50/-
 Copy khat ah - Rs. 3/-
 Life Member Fee - Rs. 600/-
 Patron Member Fee - Rs. 1000/-
 Memorial gift - Rs. 1500/-

Asung thu

- ◆ Guest Editorial
 Pasian guoljawlna 1
- ◆ Sawm-a-Khat Pasian a 3
- ◆ Oholah leh Oholibah 7
- ◆ Billy Graham 10
- ◆ Senate of Serampore
 79th Convocation 2007 18
- ◆ 2nd Mission
 Conference Programme..... 20
- ◆ Thu tuomtuom..... 23
- ◆ Thuumpi vai 24

Life Member Fee leh Patron Member Fee khu Instalment (A themthem) a pieh thei ahia, apang nuom tapou pan thei zing ahi.

Thusuo zosie Editor leh ZPCS ngaidan ahi kim sih a, a suotute'n maw a kipuoh chiet ding uhi. Thusuo dingte Editor kung a pieh ding ahi.

PATRON MEMBERTE

- | | | |
|--------------------------|-------------------------|---------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam |
| 4. Pu Chinzasuan | 5. Upa Liansuanpau | 6. Pu Khamchinthang |
| 7. Pu S.Dalthang | 8. Upa Kapkhanthang | 9. Upa Langginmang |
| 10. Pu S. Nangkhanlal | 11. Pu S. Lamkhotang | 12. Upa Dr. M. Lachinkhai |
| 13. Upa Khamchinjam | 14. Upa(L) D.K.Manlun | 15. Upa Suankhanmang |
| 16. Upa Khupgou | 17. Upa Chinkham | 18. Upa Ngulchinkham |
| 19. Rev. V.Vungzalian | 20. Rev. Kamkhosoi | 21. Rev. Tualzachin |
| 22. Rev. H. Nengzatun | 23. Rev. Awnkhankhup | 24. Rev. Hangpi Manlun |
| 25. Pu Tuanzapau | 26. (L) Rev. Ginchinjam | 27. Pu Khamzasuan |
| 28. Upa T. Lamkhotawng | 29. Pu Khaichinmang | 30. Rev. Chinzathang |
| 31. Pu Khupkhanmang | 32. Pu Khaidohlian | 33. Nk. Khamzathang |
| 34. Pi Vungzanuam | 35. Pu T. Gouzadou | 36. Pu Liensuonkap |
| 37. Pi Zelkhochiin | 38. Pi Hatkhanvung | 39. Pi Ngaihoiching |
| 40. Pi Mankhannieng | 41. Pu Goukhanmang | 42. Pi Chingzalam |
| 43. Pu S. Thianzakhai | 44. Pi Kamkhanching | 45. Pu Haukhanpau |
| 46. Pu Tuallianmang | 47. Pu Dongkap | 48. Pi Chingkhanmang |
| 49. Nu Donkhannian | 50. Upa Henzakhup | 51. (L) Pu Saichinpau |
| 52. Pu Goumang | 53. Upa Khamkhanhang | 54. Shie Laangkhanlal |
| 55. Pu Khamkhanlun | 56. Upa L. Tualkhanpau | 57. Pu Jamsianmung |
| 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Shie Khamzathang | 63. Pi Donchin |
| 64. Upa Liankhanmang | 65. Pu Hauchinlun | 66. Pu T.S. Lal |
| 67. Pi Goichiin | 68. Pu T. Khupchinthang | 69. Pu T. Kaizalam |
| 70. Pu Paul Henkholal | 71. Pu Soikham | 72. Rev. P.C. Manga |
| 73. Rev. T. Khamchinkhai | 74. P/p Jamlianpau | 75. Rev. Chinzapau |
| 76. Rev. Kamkhozam | 77. Upa Chinpu | 78. Pu Zamkhanthang |
| 79. Pu Chinglen | 80. Miss Chinhaunieng | 81. Upa P.K. Soia |
| 82. Pu Goukhai | 83. Pi Niangkhanmang | 84. Evan. G.L. Joshya |
| 85. Upa C.S. Pau | 86. Upa Nengchinkap | 87. Upa Pauchinlian |
| 88. Upa T.C. Pau | 89. Upa Khaihenthang | 90. Upa Tongkholian |
| 91. Mrs. Vahkholhing | 92. Upa Jamkhongam | 93. Pu Jamgenthang |
| 94. Pu T. Kuppa | 95. Upa T. Gougin | 96. Pu Ginsuanhau |
| 97. Pu Thanghaupau | 98. Rev. David K.Samte | 99. Upa T.S.K. Samte |
| 100. Upa S.K. Khama | 101. Pu Jamkhopao | 102. Pu Tha-thang Taithul |
| 103. Pa Kamkhankap | 104. Bhim Prasad | 105. P/P M.Kapsuanthang |
| 106. P/P Khupkhansuan | 107. Nu Chingneikim | 108. Pa L. Langminthang |

LIFE MEMBERTE

- | | | |
|--------------------------|-------------------------|-----------------|
| 1. Upa T. Khupkhenpau | 2. Pu M. Ginzahau | 3. Pu Selzapau |
| 4. Pu L.C. Pautungnung | 5. (L) Pi Khamkhannieng | 6. Pi Ngainuom |
| 7. Pu Chinsuanthang | 8. Pu Shanti Kumar | 9. Pu Kamkhohau |
| 10. Phamsa Pu Khamkhohau | | |

tute of Community Transformation nasepna 2nd Batch Training dated 5 March 07 apat in ZPCS Office ah kipan kiata hi.

8. Cachar Hill Tribe Synod khawmpi mang a vakuon Upa Jamkhongam leh Upa Awnkholalte damtahin hing tung kia uhi. Tuabang in KTP Khawmpi palai Rev. P.C. Manga leh Upa. Nengchinmangte zong damtah in hing tung uhi.

THUMPIH VAI

1. Ahing tung diing date 16-18 March 07 sung in 2nd ZPCS Mission Conference Tuining Presbyterian Biehin ah nei diing ihi ua lawchingtah i neitheina diing un thumna ah thei chiet va ui.
2. ZPWF Golden Jubilee Hall ZPCS Plot II ah nute panlahna in kilam panta a, tu in Tuikul (well) zaw ahia, aban ang zawtou na diing un thumpi chiet va ui.
3. Ita-inaute uh Pawl X exam lelthe adiing in thumsah zing va ui.
4. I Bible leh Labu uh i le zou ua, isut zou theina ding un thumna ah thei zing va ui.



Pasian Guoljawlna

Awle amasa pen in i Tangkou na simte zousete i Pasian min in chibai i Zou Synod pumpi pan in ka hing buh masa hi.

Tutung in Pasian guoljawlna tu-le-tu leh hun peisa a hattuom leh i minam in itan dan te uh ngaituo tha in Pasian kung ah lungdam thu tut vai chi lunggelna ka nei hi.

Pasianin ei mite zong ang lungsiet ma ma a, i theilou kal un muthei in a a um hi. I gen jel bang un kum 50 chinna Golden Jubille ilop uh toh kituoh in India gam leh Kawlgam ah Synod ni inei thei uhi. Adiehin ei India a umte a diing in hamphat huoi isa dieh ua, ajieh ahileh eitan guol hilou chilei zong i chi khiel sih diing uhi.

Tualeh iham uh zong nidanglai in mite nuisat leh milah ngawn a zong kham ngamlou phiel umpen Mangpa lungsietna leh lamkaite kukalna jieh in tu in iham uh Manipur Government in MIL ah Pawl -XII tan in ang pomsahta ua, i ham ipau pen shi nawnlou diing chilei i chi khiel sih diing hi. Tualeh tutung buoilai lai ngel in zong Upa khat in "tutung buoi lai in Zouham

pen Sapham sang in thupi zaw" achia, mitamtah Zouham athei jiehua, ashiding lai hinlaw tamtah um hi. Tualeh tunai a Pi Sonia Gandhi, Churachanpur ang haw in zong Zouham aham thugen in a thugen tawp in "Ka kipah e.." chi leh "lung dam e" chiin hing hamkhie chi in Times of India News in agen hi.

Tualeh nidanglai isietna uh i buoina uh Bible zong tu in Zoukampa zousiete'n i let khawm ua, azou diing phielin Mangpan ang puita a, tua mai banah Laibu tuom tuom nei lemlumte hinanlei zong Zou Christian Musical Committeete tungton in Labupi lezaw ahi ta a, tamte zousie khu Mangpa guoljawlna ichi louthei sih hi.

Awle tamtah gen diing um lezong atawpna ding in kum tamtah Manipur Kumpi kung a i lamkai diing ina tel thei zing uh vangsiet huoitah in kum bang zat a hiei khat na tang zou nawnlou in un leizong Pasian kung a i thumnate uh jiehh leh ipankhawmnate jiehh un vaihawm diing Pasian in ang guotsah a, tamte zousie khu Pasian guoljawlna i chilou thei sih uhi.

Tuajieh in Pasian kung ah lungdam thu gen zing kawmin aguolzawlina ang kepsahte kemsiem ding in ki-itna, kituohna, pankhawmna leh Pasian zauna hinkhuo nei in i um zing ding uhi. Mangpan loupina tangta hen.

Thu tuomtuom

1. Apeisa dated 25-28 January 2007 sung in ZPCS Compound ah Zou Presbyterian Youth Fellowship Golden Jubilee lawchingtah in kinei zou hi.
2. Apeisa dated 2-4 March '07 sung ma in Zomi Colony Presbyterian Church ah Zou Presbyterian Women Fellowship Second Bieniel Conference kinei a, tuanah Rev. Suankhanthang, Aizawl speaker in pang a lawchingtah in kizou hi.
3. Presbyterian Woman Fellowship member ZPWF apat Mrs. Vahkholhing leh Mrs. Manneichingte committee in Shillong a vapang damtah in hing tung kia uhi.
4. Zou Synod apat Presbyterian Church of India Working Committee Rev. Hangpi Manlun zong dated 6 February 07 Shillong ah Committee vapang in damtah in hing tung hi.
5. 3rd ZPCS thupuasah bang in Office adiing Computer Operator diing in Mr. Kapmuanthang S/o Pu M. Kam-mang of Zomi Colony term khat adin kila hi.
 Tuabangma in Zou Presbyterian Youth Fellowship Promotor ding in Mr. Thongkhanlal of T. Tangnuom term khat adiing in kila a, aman igam pumpi totna hing nei pai diing ahijieh in adieh unit chin khanglaiten na thei diing in iki ngen uhi.
6. Tutung 9th Manipur Legislative Assembly kitelna ah Singngat Constituency ah Pu. T. Hangkhanpau telching in um hi.
7. Seva Bharat/ Mission India toh isepkhawmna uh Insti-

Worship Service (6:00 pm)

- > Puitu : Moderator/Secretaries
- > Pantu : Upa K. Mangpu
- > Lapawl :
- > Khotuol Building Tuohkhom:
- > Thugentu : Rev. Hangpi Manlun
- > Tawpna :

Thei diingte:

1. Koipou tami Aniveina Mission Khawmpi mang chiet diing in a diehin semtute chiel ihi uhi.
2. Khochin PYF-te Pasian Phatna Lapawl sa diing a chiel ihi uhi.
3. Koi zong 2006 Ginna thuchiem /Missionary Challenge/ Missionary Box leh a dangdang pieh diing a umte Khawmpi masang in pekim chiet va ui.
4. Zintun Paaikhai leh Arrangement bangkim Khotuol-te muongtah a ngansie ahi uhi.
5. Tami Mission Khawmpi alawchin theina diingin ithumna uah theichiet vai.
6. Programme apoimaw dungjui in suhlem thei ahi.

Nget-

I Khristian Tangkou ua suo diing thu leh la hoitahtahte hing pe chiet diing in simtu zousie kung ah iki ngen uhi.

**Sawm-a-khat
Pasian a**

- Rev. Hangpi Manlun.

I Bible masapen uh Genesis ah khun sawm-a-khat pieh diing thu imu uhi. Sawm-a-khat khu Hebrai ham in ‘Maaser’ chi ahia, sap ham in “Tithe (Taith)” chi a lekhieth ahi. Tua khu Sawm lah a khat jel china ahi. Greek ham in “Dekate” chi ahia, sap ham a ‘Tenth’ chia lekhieth ahia, “a sawmnna” china ahi. Tualeh, sawm chi khu Bible ah number poimawhtah ahi. Dan sawmte (Exo. 20:1-17). Gawtna sawmte (Exo.7:14-12:36) chite imu uhi. Tuaban ah, Pasian dihtah a beloute lah ah zong a Pasian uh pahtawina diing a sawm-a-khat apie uhi. Tualeh, mi’n sawm-a-khat apieh ngam leh bangkim kanei zousie apat sil ka pekim sieng hi china etsahna ahi. A kiphah dan uh etsahna diing in sawm-a-khat apie uhi. Tualeh tam sawm-a-khat pieh khu thupieh leh thuchiem (Commanment with Promise) kijui chilei i chikhiel sih diing hi. Laisiengthou a kibulphu dan i sui diing hi.

1. Sawm-a-khat pieh kipatna:

I Laisiengthou sung ua sawm-a-khat pieh thu imu masahnapien uh khu Gen. 14:17-20 ah ahi. Abraham in Khedorlaomer Kumpite leh a guolte dou zou ang kinuale chieng in Sadam Kumpipa in na vaidawn hi. Tuachieng in Jerusalem Kumpipa (Lengpa) Melkizedek in zong ann leh grape zu (Wine) ang tawi a, ama khu siempu zong ahi. Ama’n Abraham a guoljawl hi. Tuachiin, Abraham in sil zousie sawm-a-khat apie hi. Ama’n a gantate, asumte mai ban ah sil zousie sawm-a-khat apieh thu imu uhi. Tambang a, asilpiehpen koima sawl leh hil ahisih a, tualeh, aman sawm-a-khat banah a tapa neisun Isak nangawn zong a pieh ngam jieh in Pasian lawm chi a hat ahi (Gen.22). Tualeh, Abraham kung ah Passian in sawm-a-khat

Melkizedek pie in chiin a sawl sih a, Melkizedek in zong sawm-a-khat nahing pieh diing ahi a chi sih hi. Tambang a sawm-a-khat pie ama masang ah mi koima ana umsih a, tuaban ah pie in chia sawlna kamteng a um sih hi.

Ahin, Pasion Hagau in a lungsim a a theisah jieh ahi ngei diing a, ama khu pieh diing a thupieh um masang kum 400 lai in sawm-a-khat na pie ahita hi.

Tualeh, Gen.28:22 ah Jakob in zong Pasion kung ah sawm-a-khat ana pie hi. Tam zong koima sawljieh a, a pieh ahisih a, Pasion tung a, a lungdam jieh a abawl ahi. Tuajieh in sawm-a-khat na pie masapente khu Abraham leh Jakob ahi uhi. Amaute'n pieh diing a thupieh amu jieh uh ahisih a, Pasion tunga, akipah uh etsahna a, abawl uh ahizaw hi. Amavang guoljawlna tan jieh leh tan diing deina jieh a pieh diing china ahisih hi. Tuachiin Mosi dan pieh ahinua in Pasion in gam sung a pieng haichi, Theiga leh gantate apat sawm-a-khat kei a ahi chi in a gen hi (Leu. 27:31-33). Tuata khu Levite a diing a hing tawikhawm diing in thu apie hi (Deut. 14:28). Tuachiin

Israel mipite khun Grep hoipente, Olive Sathaute, Khuoizu leh louma gasuo dangdangte ban ah gantate leh sawm-a-khatte zong ang tawikhawm uhi.

2. Sawm-a-khat pediing a sawlna leh ngetna:

a) *Malaki 3:10* Ka Biehinn a ann a um theina diing in sawm-a-khat a kim in hing tawi in chi thu imu uhi. Tamna i thei diing uh khat ahileh mi sum i leitawi chieng in a kim in din (sang) sihlei a lungkimloudiing bang un, Pasion in sawm-a-khat kei a achi jieh in a kintah a i pieh sihleh lungkimlou diing ahi. Tualeh,

- Akim achipa in akimkhat pieh ding dih اساسih hi.
- Akim, chipa in bat nengnung zong hoisalou hi.
- Akim chipa in aval zong hing phut masalou hi.
- Utzatzat pieh zong a kim kichi theilou hi.
- Akim ichi chieng in ahoilou leh aseteng i piehpen akim hitheilou hi.

b) *Nehemiah 13:9-13:*

Jawlnei Nehemiah in Susan khopi leh a kulpi a siemtha zou

- > Puitu : Moderator/Secretaries
- > Pantu : Nh. Lhingkhoniang
- > Lapawl :
- > Bible Society Tuohkhom:
- > Thugentu : Dave Westrich
- > Tawpna :

Fellowship with Speakers (1:00-3:00 Pm)

6:00Pm Worship Service

- > Puitu : Moderator/ Secretaries
- > Pantu : Nh. Pauchiin
- > Mipi thuomguolna :
- > ZPCS Tuohkhom :
- > Lapawl :
- > Thugentu : Rev. Awnkhankhup
- > Tawpna :

18-32007 PASIANNI

DEVOTION (6:30-7:30-Am)

Puitu : Upa Chinthawng

Worship Service (10:00Am)

- > Puitu : Moderator/Secretaries
- > Pantu : Nu Vahkholhing
- > Lapawl :
- > Thugentu : Rev. K. Gary Myers
- > Missionary Challenge :
- > Tawpna :

Sacrament Service (1:30pm)

Moderator ZPCS

The Second Mission Confer-

Amun : Tuining Presbyterian Church
MEP/ZPCS, Churachanpur.

Ahun : 16th -18th March 2007

Thupi : "Hing Panpi in" Acts. 16.9

Detail Programme

16-3-2007 ZILTAWPNI

Inaugural Service (6:00Pm)

- > Puitu : Moderator/Secretaries
- > Khawmpi Honna : Moderator ZPCS
- > Mipi Thumguolna:
- > Lapawl :
- > Missionaryte Report:
- > Thugentu : Rev. H. Nengzatun
- > Tawpna :

17-3-2007 KIGINNI

Devotion 6:30-7:30-Am

Puitu: Upa Kapsuon

Worship Service (10:00Am – 12:00Noon)

chieng in Khopi angai bang a a pichin theina diing in sawm-a-khat pieh ding nasatah in na tangkoupi hi. Levi miite tan diingte amaute kung ah kipe zoulou ahijieh in, Levi mite leh lasate'n a nasep uh sem theilou a um uh Pasian deidan hilou hi. Tuachiin Juda mite in ann leh grep tui leh sathau sawm-a-khat ang tawi chiet ua, tuachiin Levi mite'n asepep ngai uh asem thei uhi.

c) *Pasian in sawm-a-khat kei a, ahi achi hi.*

Leviticus 27:30 ah Pasian in leitung lougam a pieng galehte hi in theiga lamsang hitaleh se sawm suo se khat khu Mangpa satan ahi chi imu uhi. Tua khu Mangpa a diing in "Siengthou" ahi. Tua khu Mangpa a ding lieu lieu ahia, ei a dangte adiing in ahileh a vaneh khah amaw a suhkhah khu a sieng sih china ahi.

Tulai in sawm-a-khat Pasian a diing a siengthou pen ei a neilou diing khat in i va neh chieng un atawpah i sietlaw uhi. Etsahna diing in mi khat in tui nin khat na dawn dawn leh atawp ah shilaw

diing hi. Tualeh sawm-a-khat Mangpa 'n kei a ahi achilai a, na neh ngam nahilehpen ei-le-ei Pasian a kikoi china ahi.

3. Sawm-a-khat piehlou khu Pasian a guhsah ihi ama?

I gensa bang un sawm-a-khat khu Mangpa satan lieulieu ahi. Tuajieh in sawm-a-khat piehlou khu guta ihi uh chi Bible in agen hi. Tua khu eima mai hilou in inam pumpi in zong Pasian suom ihi thu uh imu uhi(Malaki 3:8-9).

Israelte'n sawm-a-khat hoitah a, a piehlou uh khu amau mimal mai hilou in anam pumpi ua Pasian a guhsah ahi thu imu uhi. Tulai in guta leh mi duhdahlou te khu i huo un i muda thei mama uhi. Tuabang ahileh sawm-a-khat peloute khu Mangpa ngai in muda huoi leh guta banglel ihi uhi. Tuajieh in eipen hoi leh dih kisa lei zong sawm-a-khat i pieh sihleh Mangpa ngai in guta ihi uhi.

Tualeh sawm-a-khat pieh ngamlouna khu atangpi in du-amna leh huoihamna jiehi ahi. Tualeh, Bible in "Mi du-amte khu milim betu ahi" chi hi (Eph. 5:5). Tualeh milim biehi khu

Pasian deilou leh suol lientah ahi hi. Hattuum sung a milim bie i tam mama diing uh china ahi.

Tualeh, sawm-a-khat phiehlouna khu Pasian a ma kiguh sah ihisih ua, ama guoljawlna hing luong diingte zong daltu leh lamkhahtu ahi. Tuajieh in sawm-a-khat pieh lou khu ei-le-ei kisuomna chi khat ahi. Etsahna diing in tui kai kuong khat bel sung a luon theina diing in asin hon angai a, asin hong sihlei alut theisih diing hi. Tuabang deu in eite'n zong Pasian guoljawlna i tan diingte uh ki dal ua, tua khu ei-le-ei lam kidalna khat ahi.

4. Sawm-a-khat pieh khu Pasian ngai poimawna khat ahi.

Ka piengthah in Pasian zong nahtah in ka ngaisah a, ahin, sawm-a-khat vang dihtah in kape theisih ichileh ei-le-ei kisol ihi uh. Bible in "Na nei na lam in Mangpa pahtawi in" chi hi(Prov. 3:9-10).

Tualeh, Pasian khu bangkim a hing guoljawltu leh i seppi uh ahi. Ama'n sil bangkim ang pieh lai a, za a sawm khat

ang nget nangawn i pieh ngam sihleh mi gin-umlou leh ama seppitah ihisih uh china ahi. Mikhat toh na sem khawm unlen, hatawp chieng in na nasepman uh thaman khu na lawmpa'n za ah sawm khat hing pie in chi henlen, pe nuom sih nalai lechin na lawmpa a lungkim na diei? Na semkhawm tou thei jel nadiing uoi? Tuabang in Pasian khu isepi uh leh eite hing guoljawltu ahilai in ama satan sawm-a-khat nangawn i pieh ngam sihleh ama toh isem khawm tahtah thei sih diing uhi.

Tualeh, sawm-a-khat dihtah ipieh nahleh adang sawm a khuo (90%) ten na loupitah a sem theizaw chi i manghil lou diing ahi. Sawm-a-khat dihtah i piehlouna leh i pieh ngamlou sang a tamzaw khu damlouna leh leiba-thangba in i zang bei thouthou uhi.

5. Sawm-a-khat i piehlou jieh un i hausat/kichinlaw uoi?

Mikhenkhatte'n sawm-a-khat peta lei kichinloulaw in buoilaw diing bang in a kingai uhi. Ahin, tui tah in sawm-a-khat pieh jieh a zawnlaw mi i thei a um tai?

Gen-leh-sah tampi umte lah ah Rt. Rev. Dr. Joseph Mar Irenaeus in commemoration message apiehna apat chiemte tham thugou themkhat tahlang vai.

1. Graduation pen zilna tawpna hilou in silna pen hun toh zawhkhawm zing leh peitou zel ahi dan gen in hun hing tung zel diingte ah zildiing tamtah leh theibelap diing nempi um nalai ahidan graduate te vaihah ahi.
2. Gindan leh ngaidan kika umna khotang leh khovel a um ihina ah gindan tuom nei midangte biehnazataat pieh a, theisem tupna lungtang toh eima buoinate eima dohna kibawl zel a poimaw dan gen hi.
3. Khantan hoi nasepna khu athu mai gen sang in septhaw apoimaw na lam ah hatzaw ahidan gen in, Hattuum sung a'leichi bang al diing'leh khovel mite lah a'vanney vah' hidiing in hanthawnna nei hi. Tuachi diing a hat, zilsah leh Pasian nasem diinga setuomte khu Hattuum a diing in goumanpha leh guolzawlna hing hita un tuahileh kisiemthana hing tungva chiin Mangpa Hagau puina leh thopna ngetsah kawm in Hattuumte a diing a semtu muonhuoi kum zabi leh kumsangbi tha ahina toh kiton a hing pangtou zel diing in hanthawn hi.

Reported by P/P. Nehlian.

SENATE OF SERAMPORE 79th Convocation

Kumteng in India gam mun tuomtuom ah Serampore University nuoia laisengthou degree tuomtuom zilna a lawchingte certificate piehdohna kinei zel in tua khu 'Convocation' kichi hi. Tam Serampore University nuoia ah tunitan in Affiliated College 49, research centres 5 leh DCPC Course ziltheina institution 4 um hi. Post-graduate leh Doctorate level ah Affiliation bawl ut college leh institution tamtah ang kingen zing hi. Kum 2006 sung in BCS course a diing candidates 193 leh Dip. C.S. adiing in candidate 100 tan registered kibawltha hi. Tualeh extension programme zong Senate in 16 nei lel hi.

Tutung Convocation pen John Roberts Theological Seminary Shillong in zintun hi. Apaisa Feb. 10, 2007 (Sat) zinglam Nai 7-7 Pm sung in Jaiaw Presbyterian Biehinn ah kinei a, tutung a graduate agawm in 1141 phazou a Serampore Convocation taangthu a diing in atam kum pen kipha hi. Tutung a graduate degree-te leh ami zat tambang ahi: D.th – 14, D. Min-3, M.th-78, B.D-614, B.C.S.-47, B.th-321, DCPC-24, Dip. C.S.-40.

Convocation address Shri. M.M.Jacob, His Excellency Hon'ble Governor of Meghalaya in nei hi. Tualeh former Nagaland CM leh tu-le-tu a Governor of State of Goa Shri. S.C Jamir in zong uop a, khotang leh Hattuum a anasep hoi zieh in Degree of Doctor of Divinity (D.D.) pieh in um hi.

Oholah leh Oholibah

Bible Eze. 23:4-10

– Upa. Khamkhanhang

Kum Zabi 19 (Nineteen Century) sung ka siltuoh thupipen Zukham hilou, Guta-Suamhat leh Angkawm tatkhel jieh hiloupi Suongkultang a Mission buoina zieh a thuoh na tang tampite i ngai sut chieng in tamtan a hing puipa (Samuel 7:12) PASIAN in thupina tangtachen.

Tualeh MISSION SOUVENIR tuom tuom hing kisuo a Mission bit thei nang a pan la in suongkul (Imprison) tan tang ngap in ka pang i kichi lai un mun khat beh a gente thu beh in gel khah in umlou hi. Hinan-lehzong Mission leh Pawlpi patat ilaw lou vang in PASIAN patat law lou ding aki hituom sih hi.

Tamte haw zieh in Uta kimangsiette tanchin gen khawm ka ut hi. Tua utate khu Oholah leh Oholibah ahi. Ani un ki-it tuoh in phungching mama uhi.

Tam tegel pen a khangdawn sung un Aigupta ah a teng ua, ani un kizangsie

Ahisihleh, ka sawm-a-khat ka pieh diing tangteng keima kul-le poimaw a kizah jieh in ka kichinlaw chi zong ka thei ngaisih hi. Tuanah sang in sawm-a-khat pieh hoilou jieh a buoi gen diing mi a tam mama hi. Tambang a pieh jieh a kihingloudiing leh buoi diing a ngaituona khu mi hing huoh ngaituona apat ahi. Pasian a kingamlou a, eima a um muna lam bep ngaituote umdan zong ahi. Tambang mite khun Mangpa hoina leh gin-umdan ah a kingam sih uh china ahi. Tualeh, i piehlou jieh un Pasian guoljawlna dal (withheld) in a um hi. Etsahna diing in, vanguo zulou (law latheilou) ne bei nuomtam chite

in Nawhchi in pang uhi. Hepi huoi sa in Lengpa'n zi in ani un anei hi. Pasal nei pum in ki sum zoulou in Nawhchi in pang tou peh ua, Asuria miliente lousie midang kilei sah nuomlou ua, atawp in uttah na hi uleh chi in Apasal in Asuriate khutah a pe kheta hi.

Tuabep in Asuriaten Guohtang in a umseh ua, luppi in athaang bawl ua, Atanu-Tapate uh that in Namsau in a lou gamta uhi. Tam thu a zatapou in Oholah min law pum in Numei zousien chizat huoitah in munchin ah houlimna in a zang uhi.

Khum thu asanggam nun a zah in zau in dipko va achih leh sil um dan azah bep in thangpai kibawl adiei? Oholibah sang a khawhzaw in kizang sie in Nawchi a zua ta hi. Amanu zong Asuria mi thupite ma kilei sah zel hi. Tangval melhoi a sahte masang ah kipha in huatah in akizang den hi. Thanghuai zawsem a kipie in Babulon miliente lim kikheng aki muden hi. Atawp ah Pasian a lungthahta hi. Babulonten kizua ahilam athei un akidahta uhi.

Awleh tam Oholah pen SA-

MARITE etsahna ahia, anau nu Oholibah pen JERUSALEM etsahna (Eze 23:4) ahi. Tanu in anu dungsun SAMARI anu ma sun ahi. Samari leh akim a kho-neu te ahi. Nanaunu simlam a um Sodom leh akim khoneute ahi (Eze 16:46) Tua chiin Mangpa'n Tunding kia ding in Lunggul hi. Abeisa athupi na uh hinsah kia tum hi (Ps 80:17-19) PASIAN lam angkat kia ding dei hi.

Anaunu JERUSALEM Kung ah Thou inlen Nibang in tang in, Mangpa loupina in hing tanvah ding hi (Isai 60:1) chi ta hi. Oholah (SAMARITE) leh Oholibah tungtang thukhen ding in na man ta uoi? Oholah (Samarite) leh Oholibah (JURUSALEM) ten Angkawm in tuol that uhi (Ezek 23:36). Ginna kichien mutheilou in Bible sang in mihing thugen sawn itahsan paipai pen ikizuhna uh hilou hi. Silzousie kitupsah in (Isai 38:1) baissa in koi vai. Ei inn kuon PASIAN toh tengkhawm ihi theichien va ui. Mi a khosa thei dungzui a i et let uh leh mithupi te kunga iki khohna hilou Ama. PASIAN thaunil muon huoi pipi election Agent in taita tultul hai maw!

Khen khatten nuijat huoi na sa mai thei ua, Khen khat in na nuol thei uhi. A khenten hun lemtang dang khat ah ka bawl ding na chi mai thei uhi. Ahisihleh, Ama khu na Mangpa, na Hundampa, na Lamkaipa leh Pasian Tapa in na pom thei uhi. Ama khu na lungtang ah ahing lut diing a, na khelna ahing ngaidam diing a, tualeh na hinkhuo ahing heng danglam diing hi. Tuabang a bawl ding in ka hing ngen ut hi. Tua khu mipi mai a bawl ding in, ka hing ngen diing hi. Tami bang nachi bawl diei? Tu mama in noute, na bawn un na touna uapat a dingkhe diing in ka hing ngen hi.

Hingpei unlen, sipkhien in tami dawsang mai ah hing ding un, kingiemkhiehtah in "Khrist ka lungtang sung a, alut diing kadei hi. Ama'n ka mawnate hing ngaidam hen chi ka nuom hi. Vangam a pei diing kahi chi ka thei nuom hi. Ka hinkhuo ka heng nuom hi. Ama khu ka Mangpa leh Hundampa in ka pom hi" chi'n gen un.

Bang diing a nang malam ahingpei diing a ka'ng nget e? Ajiehpen, Thuhuntha a Jesu'n mikhiel poupou ahat chieng

in langtangtah in (mipi mai ah) ana haan hi. Langtangtah leh chiengtah in hingpei inlen, nang-le-nang na hiina kiphuongkhie in. Protestant nahi maithei, Katholik nahi maithei, Juda bieha zuimi nahi maithei, akhawhsih hi. Tuni'n Pasian in na kung ah thu ahing gen a, Khrist apoimaw hi chi na thei hi. Tuajieh in, hingpei inlen na ginna hing puongkhie in. koute'n ka hing ngah uhi. Kang nget ut ahileh koima'n tam kikhopna mun peisanlou diing in ka hing ngen hi. Mipi jieha a pei nuom nahi ka thei hi, Ahin peikha vawt sin, tu mama in diing unlen, hingpei un, zekaisih un, kouten ka hing ngah uhi. Tam kikhopna sung ah Pasian in thu agen hi. Lapawlsate lah ah na pang maithei a, tu khu nang a diing in hun nukhie pen ahimai thei hi. Hun lemtang dang na nei lou maithei hi. Hingpei in, hingpei in.

Note: Tam Sermon khu 1972 lai a Pu Billy Graham in Chicago khawpi a Crusade anei lai athugen ei ham a hing kilet ahi. (Editor) b

lamdang toh ka tahlang thei hi. Ken a dihna ka tahlat theina jie ahileh ka lungsim ah, “Ka ngaituo a, ka kinem a “ka chisih hi; Ka theichien’ ka chi hi.

Na theichet mabang un, eite’n i hinkhuo ua i ngaituo khahlou uh sil khat a um hi, tuami ahileh “Ginna thu” ahi. Nichin a na nei ngeingei diing khu ginna thu ahi. Tu jingmawng in na jii in nang a diing Kofi (coffe) ah guu ahasih chi na gingta hi. Na zii khu na gingta ngam hi. Aman alungsim in angaituo maithei a, hinanleh a tuachisih hi. Bank khu na gintat jiehin Check nagiel chieng in na Suoi na kai hi. Sum koina a nasemtute’n na sum ah-ing pethei chi na gingta hi. Na sum (dollar bill) na lah chieng in kumpi (Government) tung ah ginna nanei chi a ensah a, asum nunglam zong dangka ahi chi ginna nanei a, tuachiin mipite’n zong sum in a pom uhi. Bangkim i bawlte uh pen ginna toh i bawl uhi. Gentena in Singtang ka pei chieng in ka umna North Carolina ah zong taangkaana tampi kanei uhi. Tua mun ka phah chieng in muolvum ka tun masang in ka mawtaw ka khawlsah sih a, kumkhie in keeng a pei in

muol langkhat apat in koikhat a peina loudiing a hing peikha a um ei chiin ka enkawi sih hi. Mawtaw hehte in a peina diing uh thei nava chi ginna kanei hi.

Ginna! Ginna! Ginna! Sil zou-sie! ginna. Touna saang ah na toukha tai? Natou masang in na touna diing la in, tham kawi kawi in, tam touna in ang pawzou na diei mah chi’n enchien masa sih vateh. Ginna toh tousuh hi lou na ma! Koima’n mihing pawzou-lou diing touna saang bawllou diing ahi. Bangteng ginna toh ibawl uhi. Ahileh, tua ginna toh Jesu Khrist khu na Mangpa leh na Hundampa in pom in, tua hileh Jesu koi ahiei chi na thei ding hi. Ginna toh Ama pom in, tuachiin na hinkhuo ah, ahing lut diing a, na lungtang sung ah a hing teng diing hi. Tuachiin Ama khu koi e chi chiengtah in na thei ding hi.

Damaska Lampi a Vah in Sawltah Paul asalpua lai in Aman, “Nang koi na hiei? Mangpa” achi hi. Khum in Paul in ama dohna khat a bawl a, “Mangpa bang bawl leng nachi e” achi hi. Jesu’n “ding inlen, pei in” achi hi. Tua-bang a ding a a Kung lam zuon ding in kang ngen hi.

Tuazieh in unau aw, Mangpa Pasian in hi chi in achi “ Na pi-enchil in laitan lou na hia, Zong hing kisilsih in Chitui in zong hing zut lou hi achi Ezek 16:4 hi. Oholibah (Jerusalem) Nang matang ateng nama Lk 24: 18 Jerusalem apat Tuisieng hing-pawt ding (Zekaria 14:8) mun ni a luonglut diing hi.

Tu in I Gam kitelpina a beita Sum mu thei nang ngaituo in I hina (Identity) manghil in Party chin Office te Agent a iki piehna uh i vote Nam lamkaite aw ngai lou a izuana uh, Mission Thugin-pi thei chien lou lelam lelam a ilu ihei kawi uh khu Oholibahte uta banga i kizuana uh hi lou maw? Enve ua Oholibah bang a i tangval ten Asuria Sepaite bel uh a Oholah bang in I Nampi mun chin a zua um ihi zieh in simmaw leh nopbawl in i um ua inam min i gen ngamlou hun hing tung dehdehta hi.

Midangtem a hinashipi ngap in Krist thuoh tan thuoh ding in pan lapanta uhi. PASIAN in mihing bangdia ahichi limsah Sam 144:3 talawm e? Bang pen ahi zieh a PASIAN in mihingte a hichi ngai poimaw e (Sam

8:4) na ngaituo ngai ei? Job in “bangdia mihingte na hichi lunggul e” (Job 7:17) chi hi. Amin thupi sah dia dei tuom a a bawl ahi zieh ahi. Nang na thangtat ziah in Pasian min sia hi. Kingaisut vai.

Tualeh lei tunga mikhat a na pien leh Hina (Identity) Gihna (Quantity) Zatatna (Dignity) manphatna (Quantity) neisa a pieng na hi. Na hina mi sim-maw ding in kimang se sin (I Tim4:12). Hina kitheichien lou, Tupna kitup neilou pi a i kiman thanguoi zieh un Asuriate khut a Pasian in Oholachte uta a pieh bang in zawnna (Poverty) Sal (Slave) ah ang pe kheta hi.

Mangkang thugen siempa khat in hi chi in a chi, “ Min avan aman sah leh bang mah man suo anei sih. Adamtheina mansuo pa’n Agou kim khat mangsah hi. Ahina man suo pa’n chipen hina kitup neilou pa khun a leitung gou teng man suo ta” chi hi.

PASIAN kung ah Nna thupi sem inlen PASIAN a pat LAMETNA thupi ngahin.

Simtu zousie PASIAN in galmu theina (Vision) nei ding in mit-

BILLY GRAHAM

Tuni hun in Khangtanhoi Luk bung sawm-le-khatna enkhawmlei ka nuom hi. Khantanhoi Luk 11:29-32 tan ah hichiin akigiel hi, "Khum in mipi ang tam semsem bep un Ama'n tambang in thu ahing genta hi. Tami khang khu khang gilou ahiman in chiemtena asui ua, hinanleh Johan tungtang a chiemtena loungal chiemtena dang pieh in a umsih diing hi. Ajiehpen, Ninevi mite a diing a Jonah chiemtena ahima bang in Mihing Tapa zong tami khang a diing in chiemtena ahidiing hi. Simlam Kumpinu ahing kipandoh diing a, tami khangtung ah thukhenna anei diing a, ahing mawpai diing hi. Ajiehpen, leitung mong khat a kipat in Solomon pilna ngaikhe diing a hing pei ahia, ngai un, Solomon sang a lienzaw mikhat tam sung ah a um hi. Tualeh, Nineve mite'n tam khang tung ah thukhenna anei diing ua, a mawpai diing uhi. Ajiehpen, amaute khu Jonah thugen jieh in a kisia ua, tualeh ngai un, Jonah sang a lienzaw khat tam sung ah a um hi (Luk 11: 29-32)

Malai Israelte'n Jesu Khrist, Pasian Tapa ahina theichetna diing in silla-mdangtah khat bawlleh chi a dei uhi. Hinanleh, Jesu'n "Nou pawl in chiemtena na sui uhi. Ahima hi. Keima'n chiemtena hing pe vang. Keima khu chiemtena khu kahi," Jesu'n agenna ah Jonah hunlaia a mite'n Pasian thu ana ngaikhe ua, ana kisia ua, nou Jesu Khrist na nuolte khu thukhen ni chieng in amaute'n hing mawpai in techi in apang diing uhi.

Ama'n agen a, Simlam kumpinu in Solomon pilna ana theichien hi. Himaleh ama'n agen a, "Keima ah Solomon pilna sang in thupi zaw a um hi achi hi. Na mit uh atawtjehin thudih na mutheisih uhi. Noute bilbing nahi jiehun, thudih na za theisih uhi. Kei pen thudih khu kahi. Keima leitung vaah kahi. Keima khu chiemthena hizuh ing a" achi hi.

Tunin Jesu toh na

a hing peikhawm a, Ama tahsa bawl diing a mipi kikhopna a um diing ana mulawh hi. A leengam a vaihawmna a tou hun diing ana mu hi. Tuni'n ama ahing a, tualeh nuajuite thathousah a leitung kilum-lesah khu thawki-ana ahi. Amaute munchin ah apei ua, Jesu khu ahing hi chiin a taangkou uhi.

Ahin, Khristian pawl khat Jesu ashi jieh in a hing uhi. Ama ashi sih hi. Ama ahing hi! Awle noute'n na buoinate, na sawinate, solnate, ze-etnate leh kinawnate na thuoh uhi. Bangchilai pou in, dawimangpan solna chin teng in ang sol hi. Na thei bang un, tam leitung ah lampi lampi tam tah ah Khristian hisangin, Khristian hilou a nuomzaw hi. Ajiehpe soltu in noute ahing subuoi sih diing hi. Ahuntah a Khrist khu na HUNDampa a na poma, Pasian thu nazui a, Khupdin a thumzing kawma Hagau galvan a kithuom jing a bangchih laipou a na umangai ding hi. Tuachi ahisih a ni khat mai maizong na kithada leh buoina na tuoh ngal ding hi.

Khrist khu na pom ni akipat in leitung alelam in apei a, naki bungbule a, Khristian bang a

hinkhuo zah na hing panta hi. Ahamsa hi! Ahin, na thei bang un, mikhiel hi khu a hamsa a, Laisiengthou gen bang in na upat semsemleh danbotsepa lampi khu a hasa hi.

Jesu Khrist ahing nalai hi. Ama shina apat a, athawkia sih a, ahin nawnsihleh Khristian sakhuo kichi khu a umthei sih ding hi. Suol ah i um zing ding ua, i sil gen zousiete uh zong bangmalou ahidiing hi.

Jesu'n Pasian ahiloudan thei na sasa a Pasian kahi chia agen leh Ama khu mizuou ahidiing hi. Tuachin i housie ding ua "Jesu aw, nang mi zuou nahi. Nang mi zuoutat leh mihem nahia, mihing tangthu kigelna a mizuoutatpen nahi" i chi diing uhi. Ahisihleh, Jesu khu Pasian a kingaituo in, hi tasihleh, lungsim buoi leh panpina apoimaw ding hi.

A thumna ding in, Ama hi a a kigen bang in Pasian mihing hing suoh khu ahi. Ke'n vang Ama'n Pasian hing tapa ahipeen theichetna atam seng man in "ka gingta hi; hinanleh ke'n suichien-mite bang in a dihna ka tahlang theisih hi". Ahin tami dihnapeen nisim a mihing hinkhuo a siem

natnate tung ah thuneina anei a, Ama'n dawite tung ah thu anei hi. "Billy, dawite na gingta ei chia na'ng dohle ka gingta hi. Tuachieng in Jesu ahileh dawite toh tamveipi akituohkha a, Ama'n amaute a hawlkhe thei hi. Tualeh dawite thaneina a mimawte (mibangloute) in damna a nga kia zel uhi.

Tu'n a shidan ngaituo wawi. Mihing khat Jesu shi bang in a shi kha tai? Khawlphe ana phe laplap a, vaan ging in athawn a, tualeh leithuong ana kihot hi. Tuatah in galkapte nasan in Ama khu Pasian tapa ahi chiin ana phuongkhie uhi. Koipou Jesu singlamte (Kross) a kikhai mu a, a lungtang khoilou (lungsim khoilou) pen suong bang a taah lungtang nei ahi. Apuonte a suutpieh ua, sizang huolte tawh kithuo savun khau saute leh ngen huolte monga sizang kikhaite tawh a eelduong a saat ua, ding theilou zen in akoi uhi.

Tuabep in alu ah linglukhu a kusah ua, a maitang sisan in adimta hi. Amaute'n amapa anu isat ua, a chil uh a phi khum ua, chiemmui nopna'n anei uhi. Han ut hita leh Vansawlsieng 72,000 naamsau tawi a, Ama hunkhe

ding in ahan khe thei hi. Tualeh tam leitung pen vannuoi apat in zong a suhmang thei hi. Jesu'n "Hisih, tami diing a hingpei kahi" achi hi. Tami'n bang a gennop e? Tuami zaw in Kross a umlai in Ka Pasian ka Pasian bang dia nei taisan achi a alu kun suh in ka zouta china ahi. Tu'n Pasian in noute khelna (mawna) zousie a ngaidam theita hi. Ajiehpen Jesu'n na hundamna diing a sil a guonggal pen a zouta hi. Ajiehpen Pasian in noute khatkhat in na mun uh athei-sieng hi. Ama'n na lutang ua sam poute zousie zong a thei suoh sieng keei hi. Pasian in nnangma khu vannuoi pumpi a mihing um veuvou bang in ahing thei hi. Singlaamte tung Jesu akikhai lai in Jesun nang ang ngaituo pha hi. Ang lungsiet jiehin Ama singlaamte tung ah akikhai hi. Tuabang itna a um kha ngai ama? Ama khu ut hileh hutkhieh thei ahia, Vantung a, a Mangtouna a tou thei ahi. Ahin, a ut sih a, hilou e achi hi. "Hisih, ke'n tampen ka masang a kipahna a um diing jiehi a kana bawl ahi". Ajiehpen ama khu shina apat a kaithou a, a um diing ana theita hi. Khang hing peizel diingte a, Ama min

kimaitangtuo chieng un bang lungsim nanei uoi? Jesu Khrist toh na kimaitangtuo chieng un leh bang e a ngaidan uh? Laigelmite leh Pharisaite khun Jesu a douaal ua, Ninevi hunlai a mite pen a kiniemkhiet ua, a kisia ua, amaute Pasian toh ana kimu ua, ana kimaitangtuo uhi. Tualeh, dohna i bawl nuom ahileh, "Khrist tungthu ah bang e i ngaidan uh?" Ama khu mihel khat maimai ama? Ahisihleh mi poimawzaw khat adiei? Ama ahileh kum 33 behbeh ana dam giep a, mel 100 sang a tamzaw ana vahkuol ngaisih hi. Siemzila tahtah zong ana neisih hi. Hinanleh Jesu Khrist tungthu akhang akhang in kum 2000 zou tanpha in zong ana kigenta hi.

Mi khenkhat in Jesu khu mimaw ahi ana chi ua, khenkhat kia in Amapen mingol ahi ana chi uhi. Amotahtah anahi amale?

Abang hileh eite'n ama thu bangza ahiei khat i thei uh a um sam hi. Jesu pen mihing tahtah in ahing pieng hi. Laiengthou apat akitheidan in ama khu mihing palai ana hi hi. Agil ana kiel chi ithei ua, atha ana tawl chi ithei ua, adang ana taah chi ithei

ua, lawm-le-guol pawlnuom ana sahdaan ithei hi. Tualeh, a it leh angai mama khat haan tung ah ana kap chi zong ithei uhi.

Ama'n mihing hiina zousie anei suoh keei a, ahin theinophuoi mama khat ahileh Laiengthou in, Ama'n khelna khatvei beeh zong ana bawl ngaisih hi achi hi. Ama hun a mipite mai ah ding in "Mawna, khelna khatvei beeh zong ka bawl ngai sih hi. Nou, ka innvengten khelna ka bawl mukha na um uoi mah?" Amaute'n bangma agenthei sih uhi. Tuakhu sillamdtangtah khat ahi. Kum 33 chingsa pasal khat in, "Noulah ah koi in zong khelna ka bawlkah amuta e?" Ahin, ken tuami genkhaleng ka lawmte zousien "ken kamu hi" achi diing uhi. Na jiin zong achi ding hi.

Eite mikhiel ihi ua, eite bang in Jesu zong mun chin ah sol in ana um hi. Ama'n solna na tuoh tengteng a tuoh hi. Nang masang in Jesu'n solna, ze-etna tuohlou aneisih hi. Ahi'n ama'n tuate ana dou a, a unpi'n ana dou zou hi. Nang-le-kei bang in Ama khu mihing ahi. Hinanleh Amapeen tuami sang a ahina khat a um hi. Ama'n atuom vilvel ahina a genkhie a, Tapa khattang,

Mihing hing suoh Pasion Tapa a kichi hi. Lai-siengthou in hichiin agen hi, "Achiil in Thu a um a, Thu khu Pasion toh a um hi". Hun kipatma in Ama ana um ta bou hi. Ama'n Abraham um masang in kei ka um hi. Kei khu kumtawn a um kahi. Amaute ana lungthah ua, Ama khu suong in na sep ua, Ama khu tha ana sawm ua, atawpna ah Singlaamte (Kross) tung ah ana khailum uhi. Ama'n "Kei Pasion kahi" achi hi. Ahina amah? Ama khu Pasion hing tapa kahi kichipa khu ama?

Nikhat ama'n a nuajuite a dong a, " Mite'n keikhu koi hi ang chi uoi?" chiin. Peter in "mi khenkhat in Baptispa Johan amaw, Jawlnei Jeremiah amaw ahisihleh Elijah hiva" ahing chi uhi. Ama'n "Kei mite thugen ah ka lunglut tahtah sih hi. Noute'n koi kahi na hing chi uoi?" Tua bep in Peter in, " Nang pen Pasion hing Tapa Khrist khu nahi" achi hi. Jesu'n Peter, nang'nagen dih hi. Na laivuonna na zouta hi. Ahin, Peter aw, tua na thugente khu nang a hing kipan ahisih a, Pasion a hing kipan ngaidan ahizaw hi. Pasion in ahing thei-sah hi achi hi.

Jesu Khrist in Pasion hing

tapa hi in ana kigen hi. "Pasion Thuteng" Kumtawn Pasion, Jesu Khrist ah mihing ahing suoh a, tuachiin eite lah ah mihing bang in ahing pieng hi. Tuapen, Lai-siengthou gendan ahi. Jesu Khrist kung a na hing peileh tua khu na pom ahidiing hi. Amapen mihel maimai ana hisih hi. Ama khu a nopnop a um mi ahisih a, mithupi khat pou-pou ana hisih hi. Ama ahileh Tahsa a um Pasion ahi hi.

Awle, umdan dih (ethics) ahil bang in koiman ana hil kha mawngmawng sih hi. " Na pheta langkhat ahing kibeh leh a langkhat zong daw in" ana chi hi. Aban a abawl diing thu ana gen kha vawt sih a, silbawl khieltu khu sagivei mun sawmsagivei ngaidam in achi hi. Ngaituo vawi.

Najii ahisihleh na pasal ning bawl na neu nounoute khu bang chiin nagel ei? Sagihvei mun sawmsagivei na ngaidam ding hi. Kajii in, "Nupa nopsahna thuguh ahileh kingaidamtuo siem mi ni umkhawm ahi" chiin a gen hi. Kingaidamtuo siem mi, khat-le-khat kingaidamtuo thei mite ahi uhi.

Jesu'n kingaidam diing ahi chi ang na hil hi. Ama'n

peidan kiheng phut a hindan diing ang na hil hi. Pasion in a kilang a silbawlte guoh tung ah thukhenna a bawlsih a, lungsim ngaituonate leh siltupte tung ah zong thukhenna anei hi. Ama'n mihing umdan dih (ethics) khu a sang tawp in a tawisang a, tuachibang hinkhuo nei diing in eite ang phut hi. Ama ngel zong tuabang hindan in ana hing hi.

David in, "Ka nu'n khelna toh ahing na paai hi" ana chi hi. Jesu'n "ngaituona hoiloute, tuolthanate, angkawmnate, guhtatnate leh Pasion gensi-etna- te khu lungsim a hing kipankhie ahi" ana chi hi. Leitung a gitlouna zousie khu mihing lungsim apat a hing kipandoh ahia, tuapen hen diing ahi. Tuajieh in Jesu'n "na pientha diing ahi" ana chi a, eima kihen lamdang diing ahi. Kipathana khat na nei ngei ngei diing ahi. Tuapen Ama'n a bawlthei hi.

Jesu tangthu bang nachi hilchien ei? Jesu Khrist aw, mite'n na hina a gen uh khu nahi na ama? Nathei a, amaute'n a khailup theina diing un Ama mawpaina thum tah ahing pawkhie uhi. Khatna ah, "Tampa'n mikhielte a it hi a chi uhi. Tuakhu

mawpaina khat ahi. Anina ah, " Amapa'n khawlni in mi a damsah hi" athumna ah, "Ama khu Pasion tapa hi in akigen hi. Amakhu Pasion tapa ana hi na ama?

A thuneuna ngaituo vawi. Jesu amaute kung ah a pei a, akung uah, "thuneina zousie kei ahing kipeta hi" achi hi. Silkhat ka thei hi, Ama'n khelna a ngaidam a, Guolnei koima'n tuabang ana bawl khasih hi. Jesu ngel in khelna ana ngaidam hi. "Na khelnate hing kingaidamta" achi hi. Aman silsiemte tung ah thu anei hi chi ka thei hi. Zankhat Ama'n huipi a kinawng a, huipi a laang hi. Nuajuite a zau ua, Jesu khu guunkuong ah a imu hi. Tuatah in Jesu guunkuong sung ah a ding a, "sip un" achileh kawlphe a khawl a, van ging zong adai a, tuipi kinawng a khawl a, Leitung a silsiem zousie'n Athu amang uhi. Jesu'n huipi guopi athu in a umsa a, anop dandan in a heikuol hi. Ama'n kawlphe a debang in a bawl a, meiipi lah ah paitou hi. Silsiemte tung ah thu anei hi. Bangjieh in? Ajiehpen Ama khu silsiemte Pasion ahi. Tuata pen ama dan ahia, amaute'n Ama thu aman uh ahi.

Akigel dungjui in, Ama'n